

ME HYƐ ASE WƆ NYANKOPƆN NE DZIN MU, ƆDOMFO, MBOBORHUFO NO.

Fida Nyamesemka: Ebowbira 12, 2013.
(Friday sermon – 12th April, 2013 – Fante Translation)

HOM NYƐ AHWƐYIE WƆ AWERƐHYƐMUDZE NA MBRANSEM HO.

Hadhrat Khalifatul Masih kenkaan Kuran mu nsem a odzi do yi dze hyeƐ ne Fida Nyamesemka no ase.

“Ampaara de Nyankopon hye hom de hom mfa awerhyemudze no a wodze ahye hom nsa no mma ewuranom a oye hon dze na ofata hon, na se hom bu nyimpa ntamu atsen a hom mfa perperye mbu atsen tsenenee. Na osi pi de dza odzi mu papaapa na Nyankopon dze aye afotu ama hom! Nyankopon dze Otse biribiara na Ohu adze nyinara” (4:59).

De mbre Asomba dodowara nyim no, afe yi ye abatow ber wo Asomba nyinara mu. Abatow a wodze yiyi Ameerfo, Sadrfo na dzibewdzifo no osi mfe ebiasa biara. Mbeambea bi dze, abatow no ahye ase dadaw. Majlis e Intikhab wo Jama'at akeseakese no mu a woyiyi hon banodzifo. De mbre ohia papaapa de yepam dzibewdzifo ama Jama'at no ne nhyehyee ako do no, demara so na oye ehiadze papaapa de yeyi nyia ose fata de ohwe Jama'at nhyehyee do. Ampaara de iyi ye ehiadze ara ma Kuran Kronkron no twe adwen gyina do, kyerekyere mu yie fa nkorofa a wo de woyiyi hon wo dwumadzi ho. Okyere mu kyere dzibewdzifo no so de hon gyanbew no nnhye ma gyede wodzi dwuma a obata hon dzibew no ho na se woto pitsi wo ho so a, Nyankopon enyi nkegye hon ho.

Ahyedze a ofi Kuran mu a woabo dzin wo sor ha yi, ye dwumadzi a ofa no awerhyemudze; dem ntsi hom mpam hon a wodzi mu mapa wo hom enyi do. Hom nhwe nhu de, wose eso wobotum edzi dwuma no anaa wonkotum. De mbre hom nyinara hyia mu kyere hom adwen wo Khalifa a osi do no, ye dwuma son no, demara so na wo de hom dwen ho yie na wosor wo ho. Abatow no nnyi de woma ogyina enuaye anaa anyenkoye anaa ebusuaye do. Nnye dzibewdzifo nko na Nyankopon bema woebu nkontaa wo hon dwumadzi ho, mbom abatowfo no so beyiyi hon ano wo de wnantow aba yie. Asempe ko do twe adwen gyina de, obi nnyi nyimdzee biara a ofa no hon a wrotow aba ama no ho a dza wo de oye nye de oye asor ma Nyankopon de rotow aba ama nyia odzi mu mapa wo Nyankopon nyim.

Nokwar, nokwar de, Nyankopon tse biribiara, Ohu adze nyinara, na Onyim dza wo akoma mu, onam dem ntsi, obiara nkotum aye no kwaa-dan-enyi. Nyankopon ye Jama'at agyedzifo no mboa wo ber a wonam dem mpaabo yi do rotow aba apam dzibewdzifo. Oye hen Jama'at hon kusum de wodze mpaabo bedzi bano wo dwumadzi biara mu na abatow so wodze mpaabo dzi bano. Abatow ho nhyehyee a wodze nokwardzi ye no, Nyankopon hyira do. Onyia no a rotow aba no wo de oyi onoara n'apedze na nkitahodzi akwa. Ahmadiyyafo a woakyer wo som yi mu no nyim iyi, na aforfo na mbrentse na nkatasia wo de wohu de Jama'at abatow ye adze a erekamfo obi ara keke. khalifa a osi do seisei no nna ne sipi nyinara gyina no do. Akwan bi mu no se obi nya aba dodow dzi nkunyim mpo a, wodze

gyinabew no ma obi fofor. Owo de oda edzi so de Ameer a owo oman no mu wo ho kwan de oyi obi mpo a o'ennyaba dodow wo abatow no mu no.

Mbom, Ameerfo wo de wogye abatow no nsunsuando dodowara to mu. Ngyiresi Aborokyrir man mu na Europe amanamanmu, USA, Canada na Australia nhu de nhyehyee ma Ameer kwan ma osea kunyimdzifo wo abatow mu, yi nyia ono noara pe; afe yi mu abatow dze se wope nsesa bi a, owo de woma Hadhrat Khalifatul Masih n'aso tse na ogye to mu. Mbom Pakistan na Indiafo botum dze hon nhyehyee no edzi dwuma. Amila Kuw (Banodzifo a wowo oman no mu) no dze gyede Khalifa agye hon ato mu wo oman biara mu ansaana woesi gyina.

Nsempow a ofi Kuran mu "..... Hom mfa awerehyemudze a wodze ahye hom nsa no mma ewuranom....." na iyi so twa fa dzibewdzifo no ho. Woyiyi nkorofu binom a, se yeyi abatow to nkyen a, wodze hon si gyinabew bi do na dwumadzi bi ho. Mfataho bi nye Rishta Nata kyerewkyerewnyi na ndwuma bi so wodze nkorofu binom wo edwuma ne fa bi mu ama hon. Se oja no de, wodze binom regyina gyinabew a otse dem a, mma Ameerfo na Sadrfo mmfa nkorofu a honara wope anaa wonye hon wo nkitahodzi. Mbom wonhwehwe Jama'at no mu yie na womfa nkorofu a wodzi mu mapa wo Jama'at no mu, amba no dem dza nna akeye eyimpamu-adze a Islamsom yi no akwa nye no. Mbom se obi yi no ho nyimpa anaa odze nyenko bi si gyinabew bi do a ose fata a, hon a wotsia no no tsia no kwa. Wongyae de wobeye dem. Onnye bon de ebote aben Ameer anaaso dzibewdzinyi na onnyi de wosiw obi kwan de onam dem ntsi mma onnsom Jama'at yi. Wokyerekyerere dem asem yi mu osiande obinom kasa tsia.

Nyankopon ka no wo Kuran mu de ".....hom mfa perperye mbu atsen....." Se wodze enyimhwe na nyimpa ko do a wonkedzi perper ma nsem ahwer nhyira. Dzibewdzifo wo de wodze perperye na paapaamuka dzi nsem a ofa no obiara a owo Jama'at yi mu ho. Onnyi de oja de obi ne nyenko nye dem osimesi anaa ofi dem ebusua yi mu ntsi woyi no akwa wo perperye ho. Dem nsem yi dze ebufuw ba Jama'at yi mu. Se Khalifa a osi do yi regye nsem bi a, nokwar a owo nsem no mu no na owo de wokyerew osiande wahye hen de.... 'hom mfa perperye mbu atsen....' Se wodze nsem a onnye nokwar kema Khalifa a obema o'akyerere n'adwen na oaye dza okyea (onnyim no dem) na bon a nkorofu a woenndzi nokwar no aye asaa no; dwumadzi biara, ndzeyee biara a wodze ahye wo nsa no wo de edze adwenmudaho na nokwardzi dzi anaa eye.

Se wodze dwumadzi bi hye wo nsa a, nna onkyere de eye obirempon. Nokwar, oye edwuma son a owo de wodze mpaabo ye. Nyankopon ka de Oye ... "Nyia Otse biribiara, Ohu biribiara...." Otsie mpaabo nkanka ber a onye Ne mbranssem rebedzi ehyia. De mbre Nyankopon hwehwe abatowfo hon kosu na hon basu mu yie no, demara so na Ohwehwe dzibewdzifo hon ndzeyee mu yie. Se dzibewdzifo amma perperye enndzi dwuma a, Nyankopon se de wobobu ho nkontaa. Oye obiara n'asodzi de wodze biribi behye ne nsa de onye wo akwan horow mu. Nkorofu per gyinabew ho. Se wonyim mbre asodzi a owo ho no ne kese tse na se o'enttum annye a, mbre Nyankopon enyi nnkegye hon ho asen dwumadzi nkaa no ho a nkye dzibewdzifo biara anafua na ewia nyinara obeye Istaghfar (sere bonfakye

fi Nyankopon ho). Dzibewdzifo biara wo de oye n'adwen de se wopam no na wogye no to mu a, nna noho nnto no bi, mbom oye nhye ma no de odze n'ahoodzen dzi dwuma de mbre ose na se otwa abrodo a Nyankopon enyi nkegye noho. Dzibewdzifo biara wo de n'enyi kua ankorankor biara onye dom a wowo Jama'at mu nyinara ho.

Dzibewdzifo biara wo de ne gynabew no yie amma oammfa fi annka Jama'at no anaa oangye dzin bon wo no do. Owo de woma fasusu gyina pintsiiin wo hon Nyamedwuma na wiadze dwumadzi so ho. Onnye adze a ose de woka de asem bi ye mara m'asem, oammfa Jama'at no ho, ma dem ntsi obiara botum aye dza noara ope. Owo de dzibewdzifo biara tse ase de ne nyimpadua bata dza Jama'at no enyi gye ho wo ne nsem biara ho. Dem suban yi wo de oda dzibewdzinyi biara edzi, na nkorofa a wodzi do no na owo de wopam hon. Ye botum aka so de owo de wotow aba ma nkorofa a wowo Taqwa (tseneneeye). Se yeka de Imam a oaba hen ber do yi ama hen Taqwa do na yedzi hen awerehyemudze do kyen biribiara a, ono hen ahyedze wo Jama'at ho no wo de yedze ahweyie na enyiwadzen ye.

Nyankopon ka no Kuran Kronkron mu de "Na nkorofa a woye ahweyie wo awerehyemudze a wodze ahye hon nsa na apam no" (23:9). Dem mbra yi wo de bea a obiara wo no ohwe no yie. Awerehyemudze nnyi de wobu no totooba wo ne nyee mu. Mbom, obiara wo de oye ne ndwuma dzendzeendzen na odze enyidahon so ye, hon a woye kua wo hon ndwuma ho na owo de wotow aba ma hon dze dwumadzi hye hon nsa. Dzibewdzifo no na owo de odzi asem bi a oye nyansapow de "ebeke woho ako Nyamesem ho akyen wiadze nsem ho" ma akyen biribiara. Otsia Islam nkyerekyere de ebepere dzibewdzi. Mbom se obi nya pe de obosom anaa wodze dwuma hye obi ne nsa a, ono owo de ehu de nnkotum edzi dwuma no gyede apam a ahye no idzi do papaapa.

Anohoba Messiah (ANN) no kyere mbre wosi dzi apam do. Nyankopon Kokroko no aka no asem dehye yi mu de "Na nkorofa a woye ahweyie wo awerehyemudze a wodze ahye hon nsa na apam".....hon a wonnyi dza odzi mu mapa a wodze ko Nafse Ammarah (hen su a otwe hen ko bon mu) ho akondo bon no, na wama wahye hon amandzehu do no. Mbom bo mbodzen de mbre ibotum na dwendwen adze biara a ofa no wo awerehyemudze na Nyankopon N'apam onye N'abodze ho; na bo mbodzen de ebefa Taqwa no kwan ahorow no do. Wotsena dem kwan yi mu de mbre hon ahoodzen bema hon kwan. Kasafua Ra'oon (apam) a owo asem sin no mu no, woka no wo Arabic kasandanenyi mu ber a obi nam akwan horow do wo asem mu a onam n'ahoodzen na ne pe do de adze suar denara mpo a obehye no ma na onkegyae biribi ketsekete mpo ato ho. Ampaara, asem sin yi kyere de agyedzifo dze ahoodzen a wowo nyinara fa Taqwa no kwan fefew no do na wommpe de wobegya ne fa biara a ofa no awerehyemudze na apam ho na wope de wonye obiara ye nhyehyee wo ho. Wonnyi enyigye de wobefre honho de woye nokwardzifo na wodzi hon ho nyi; ampaara wosuro adze amma wonnaye bon ennsuuma wo awerehyemudze ho. Wokodo ara dwendwen hon ndzamba nyinara ho yie amma wannye bon anaa wammfom. Dem ndzeyee yi nye Taqwa.

Se yetwa no sin a woyinom nye agyedzifo a biribara nnsi hon ban wo hon ndzeyee mu, se ofa Nyankopon ho o, se ofa no nyimpa ho o. Nokwar, onam sombo wo Nyankopon

Kokroko enyim ho suro ntsi wɔhwe yie mapa wɔ awerɛhyemudze na apam ho. Aber biara woye mpensampensamu fa hɔn awerɛhyemudze na apam ho na ofi ber to ber no wɔnam Taqwa do hwehwe hɔn tsebea mu kofekofe; wosuro de bi a nna wɔaye mfomdo bi etsia hɔn awerɛhyemudze a Nyankopɔn Kokroko dze ama hɔn no; mfafakuwa nyinara; hɔn nsa tsiaba, hɔn bra, hɔn ahodze na enyimnyam na dza ɔkeka ho nyinara a Taqwa taa akyir dze dzi dwuma wɔ ne mber mu. Aber biara wɔdze wansawansaye a ɔkrɔn mapa dze ye edwuma na wɔbɔ mbɔdzen a bɔhye a wɔnye Nyankopɔn Kokroko ahye no wɔ ber a nna wɔregye som no ato mu no wɔbɛhye no ma. Hɔn ndzeyee bi so nye de, wɔbɔ hɔn ho mbɔdzen biara dze Taqwa dzi dwuma biara a nkorɔfo dze ahye hɔn nsa anaa nsem a ɔba hɔn nsiesie ase.

Na yebehye n'anohoba nyinara ma na hen honamdua n'akwaa nyinara aye adwuma de mbre ose, tse de hen enyiwa, asowa nsa anan nye dza ɔkeka ho nyinara ɔnye hen adwen nye hen tum nyinara beye dza ofata wɔ ne aber do, na yebenya kokobo wɔ bɔn akwan nketsenketse ho na yeahwe ahyedze a ɔwo de yedzi ma hen enuanom. Iyi nye kwan a yebefa do ama hen sunsum mu ahofew ahye ma. Nyankopɔn akyere wɔ Kuran mu de tseneneeye tse de atar. *Libas-ut-taqwa* de mbre wɔaka no wɔ Kuran mu no, iyi kyere de yebenya sunsum mu ahofew nye atar pa efi tseneneeye mu. Tseneneeye kyere de yebeye ahweyie wɔ ndzamba nketsenketse ho wɔ dza ɔdomankoma dze ahye hen nsa nye asodzi a ɔda hen do ma hen mfefo, de mbre hen ahoozen botum. Kyere de, ɔwo de yetum ye dza ɔda hen do nyinara wɔ hen ahoozen do ' [Brahin-e-Ahmediyya, Part V, Ruhani Khaza'in, vol. 21, pp. 209-210 – Essence of Islam, Vol. I. pp. 347 - 348].

Se Nyamesuro gyinabew annko sor a, yennkotum eyi asodzi a ɔda hen do ma Nyame nye hen mfefo nyimpa. Dzibewdzifo ye, tsitsiriw, ahwedofa ma dem nsem yi. Hadhrat Khalifatul Masih san si do bio de, ɔwo de Jama'at mba no ye asɔr na woyi nkorɔfo a wɔbedzi nokwar wɔ hɔn dwumadzi mu. Dem ntsi ɔwo de obiara ma ne Nyamesuro tu kafo. Anohoba Messiah (ANN) no akyere hen de ɔwo de yedze obiara ne ndzenoa ma no de mbre ofata. Se yeannye dem a nna yennndzi hen bɔhye do. ɔwo de obiara ma ne Nyamesuro gyinabew ko sor na ɔhwe n'abrabo mu yie. Okuw yi mu mba ara na woyi hɔn mu binom ma wɔbeye banodzifo. Dem ntsi ɔwo de dzibewdzifo nye asɔrmba nyinara nya suban a morobobo edzin yi: ɔwo de yehye hen anohoba ma, se kuw yi mu mba taa pon hɔn anohoba a, ɔno dzibewdzifo so beye demara. Se yeammpon hen anohoba a, nna yeannye hen asodzi ho edwuma de mbre ofata. Anohoba Messiah (ANN) no kyere de, ɔwo de yedze obiara ne ndzenoa ma no, kansa se yeboko ɔhaw bi mu mpo a. Islam ye asomdwee som na ɔkyere asomdwee kwan a wɔdze ye adze naaso Muslimfo nndzi hɔn anohoba do. Dem ntsi ɔdze basabasaye pii aba hɔn mu. Iyi so ama bi aka Ahmediyyafo. Anohoba a ɔwo de yehye no ma no nnye asem kumaabi de eguadzi ho nhyehyee. Aware so ye bɔhye naaso nyimpa pii nndzi mu nokwar. Hadhrat Khalifatul Masih kaa de me edzi kan aka dadaw de nyimpa no pii wɔ ho a woye Jama'at edwuma yie de mbre ose naaso wɔnndzi hɔn bɔhye do mma hɔn ebusuafo (yer na mba). Iyi ye bɔn kese wɔ Nyankopɔn enyim na ɔdze asotwe so ba. Nyankopɔn ka de “na bɔhye no dze wɔbebisa ho asem (17:35). Nyankopɔn akyere ahotseweefo suban de “na

hɔn a wɔhye hɔn bɔhye ma sɛ wɔhye bɔ a” (1:178). Sɛ Ahmadiyyafo pɛ dɛ woyi obi banodzinyi a, wɔnhwɛ mbɛrɛ osi dzi n’ anohoba do.

Wɔaka bio so dɛ, hom pɛ dɛ hom nya asomdwee asetsena a, hom nhwɛ hom atsenka yie. Mma hom ntwitwa hom ho anantsir na mma hom nntoto hom ho edzin bɔn (49:12). Arabic kasa a wɔaka no ha yi wɔ nkyerɛmu pii. Ɔto ber bi a yɛkyerɛ ebufuw dze sesa ndzeyɛɛ yɛ no yie, naaso ɔwɔ dɛ Jama’at mu dzibewdzifo no nya abotar. Ɔmmfata dɛ dzibewdzifo benya ebufuw. Ɔwɔ dɛ wɔkae dɛ Kuran se; ‘hom nkasa nkyerɛ nyimpa wɔ ahobrase mu’ (2:84). Sɛ yedzi iynom do a nkorɔfo begyae dɛ wɔbɔ dzibewdzifo sombo. Dzibewdzifo wɔ dɛ wɔnya tsema ma hɔn ho. Onnyi dɛ ɔyɛ dɛ wiadze yi mu mpanyinfo na hɔn nkowaa. Sɛ obi yɛ mfomdo a, ɔwɔ dɛ yɛdze abotar kyerekyerɛ no mu.

Suban pa kor so a ɔwɔ dɛ dzibewdzifo nya nye dɛ, ɔwɔ dɛ wɔyɛ ahweyie wɔ Jama’at ne sikasɛm ho wɔ aber a wɔdze reyɛ biribi. Onnyi dɛ wɔsɛɛ sika wɔ kwan biara do. Ɔwɔ mu dɛ asoɛɛ bi tsedɛ Ziafat (Ahɔhosom asoɛɛ), Langar (Gyaadze) nye Jalsa Salana nya sika akɛsɛ naaso ɔwɔ dɛ wɔyɛ ahweyie papaapa. Ɔwɔ dɛ yehom sikasɛm ho nhyehyɛɛ do dɛ mbɛrɛ wɔnnkɛsɛɛ sika pii. Iyi nye kwan a wɔbɛfa do edzi nokwar wɔ dza wɔdze ahyɛ hɔn nsa no ho. Anohoba Messiah (ANN) no ennya haw dɛ yennkenya sika, mbom hɔn a wɔbɛhwɛ sika yi do yie na ohia no. Dzibewdzinyi ne suban pa kor so nye dɛ obeyi nsem hun nyinara akwa. Mpo iyi hia ma agyedzifo nyinara na mbom edzikanfo tsitsiriw no wɔdɛ wɔyɛ iyi ho fasusu. Nyankopɔn aka dɛ “na hɔn a woyi nsem hun akwa no” (23:4). Ɔwɔ dɛ dzibewdzifo no gyinabew kɔ sor yie. Onnyi dɛ wodzi nsem hun ekyir anaa wɔtsena bea a worisi nyimpa binom atwetwe. Ɔto fa bi a dzibewdzifo so tum hyia si nkorɔfo bi atwetwe. Ɔwɔ dɛ yeyi iyi fi hen akoma mu. Onnyi dɛ dzibewdzifo tsena bea a woridzi Nyankopɔn ho fɛw.

Anohoba Messiah (ANN) no ka dɛ, dɛ yɛbɛtwe hen ho efi nsem hun ho no yɛ agyedzifo suban. Sɛ obi yɛ mfomdo a, ɔwɔ dɛ yɛdze abotar nye ɔdɔ kyerekyerɛ no mu na mbom mma yennyɛ dɛ mbɛrɛ wiadze ahenfo wosi bisabisa hɔn nsem no. Sɛ obi renndzi mbra bi do a, ɔwɔ dɛ wɔka ho asɛm kyere no anaaso wɔkɛka kyere mpanyimfo. Onnyi dɛ yɛma mpaapaamu bɛda hen ntamu. Dzibewdzifo wɔ dɛ wɔhwɛ ahɔho yie na wɔgye hɔn awaawaa etuu. Obiara a ɔbɛba hen asoɛɛ no ɔwɔ dɛ yɛma no enyidze na yɛma no egua ma ɔtsena ase. Asem yi ho hia papaapa ara yie. Ɔwɔ dɛ onyia no sɔr na okyia ɔhɔho no. Ɔwɔ dɛ dzibewdzifo a woeyi hɔn no dzi dem nsem yi do. Demara so na ɔwɔ dɛ edwumayɛfo nkaa no nyinara so yɛ. Iyi mma hen enyimnyam do nntsew na mbom ɔto hen enyimnyam mu.

Ahobrase yɛ adze a Ahmadiyyanyi biara wɔ dɛ onya nkanka dzibewdzifo. Wɔaka dɛ: “Na mma nnantsew asaase yi do ahantan mu” (17:38). Nyankopɔn mmpe ahomemado wɔ nyimpa mu. Dem ntsi Nyankopɔn nnkɛpɛ mpɛmpɛn ahomemado wɔ hɔn a ɔnam Ɔno ntsi wɔdze hɔnho ma wɔ dwumadzi ho. Dem tsebea yi wɔ dɛ dzibewdzifo biara nya no pɛpɛpɛ. Adze kor so a ohia ma nkanka hɔn a wɔdze dwumadzi ahyɛ hɔn nsa a ɔfa no adwenkyerɛ na nsiesie ho a ɔtse dɛ Islahi Apamfo (Islahi Committee) anaa Qadha Board. Ɔwɔ dɛ wɔkaakaa Nyankopɔn ne mbra “.....hom ndzi pɛrɛpɛr aber biara, ɔno na ɔbɛn tseneneeye” (5:9). Ɔwɔ dɛ wɔdze paapaamuka na pɛrɛpɛr si gyina biara. Ɔtofabi a, wɔdze nsem bi a woesi no gyina kɛma Hadhrat Khalifatul Masih nna wɔnnyɛɛ nhwehwemu yie ma ɔba no dɛ hɔn a asem no fa hɔn

ho no tseetsee. Gyinasi biara a wonam Shariah do si no wo de wokyeremu pefee. Qazisfo wo de wohwe iyi yie papaapa.

Beebiara a akohweaban na ehiafo wo no, Jama'at wo de oko hon mboa. Oye Ameerfo na dzibewdzifo hon dwuma son de wofa ahom a wowo no do hwe hon. Ofa no iyi ho no onnkehia de oye aseredze ansaana woko hon mboa. Mbom, oto ber to ber no, owo de wohwehwe mu adze. Ahyedze son a oda Ameerfo, Sadrfo na dzibewdzifo biara do nye: Hom nkyerekyere dza oye papa na hom mbra bon (3:111). Owo de wodze iyi to hon adwen do aber biara. Ampaara, yebotum edzi iyi do ber a yeahwehwe hen ndzeyee mu na yeama hen nsem edzi mu, na yeena odo na Nyankopon ho suro na yeahwehwe Taqwa n'akwan no a Nyankopon atwe hen adwen egyina do no. Ofa no iyi ho no, Anohoba Messiah (ANN) no kaa no ber bi de; Taqwa nkyere de ibeyi bon kumaabi akwa na afa papaye kumaabi. Mbom, Taqwa ase nye de ibeyi bon ketsekete biara akwa na afa papaye biara.

Hadhrat Khalifatul Masih dze ne Nyamesemka roko ewie no, okaa de "Iyinom nye gyinabew a ohia de yefa do ama yeaye papa na yeeyi dza oye bon no akwa na yeahye hen apam no ma. Ketseankye Allah Kokroko no ama Jama'at onye dzibewdzifo, hon a wopam hon nna hon a worebepam hon no, onye emi eetum ahye hen awerehyemudze onye hen apam ma. Se wontwewontwe bi si a, wodze Taqwa siesie, se dem nsiesie no tsia hen mpo a [Wokyerere ase fii Kuran Kronkron ne Tafseer Nkyereasee a Anohoba Messiah kyerewee no Vol III, pp. 366 – 367]. Onyimpa no sunsum mu ahoofew nye de ebenantsew kwan tsenenee feefew no mu. Iyinom nye ndzemba a woye sunsum mu ahoofew. Oda edzi de ebotum enya adwentsimii wo Nyankopon awerehyemudze no ho.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us